

**Tigbont tà
San
kele' tù nnò
Nà wongeh tigbont tuu te ma
bo**

San nε kele' tigbont tuta tuu nò. Wa kele' u'yel tu'ni niba saan.

Kukpieku kuu ni ni'ba saan ηa wongeh u kele' kù ki de' wà. U lii kele' ki de' Kristo yaab biba nε, bi paan' binib biba bo bi'wòknm ηa kpe sen bo. Nen bo nε San kele' kugbònkù kuu ki tòke' bà li kàanh kù ki ye be í liike bi'yul bo nin mi ya wòknm.

Kugbònlieku ni, San yih u'ba «ucien nε.» U kele' kù ki de' upii uba nin u'bumu nε. Upii uba nin u'bumu nnò yé Kristo ya taanl liba nin li'nib nε.

U saakreh bà li kàan kù nnò ya gbenent be í li yíe tób, kí li pε Yesu ya wòknm bo mòmòm nε.

Wòn unibaab nε kele' kugbòntaaku ki de' uje uba, ki pèke' wò, kime u pε tigbemònt ya sen bo, ki toreh Kristo yaab. U liebe' ki lienh ujetò mò bó. U yíe' «ucien» ya ñòbu bó, ka teknh cεnb mò (migbiirm 9-10). U tí liebe' ki lienh ujetò uba mò ya gber, u teke' Yesu ki jin' (migbiirm 11-12). U saakreh ukpiek nnò ya gbenent wò í li pε u ya je ya tetem bo nε.

Mifuobm ya gber

¹ Ti tòkeh nε ti cii' nà, ti'nunbu laa' nè, ti ñuòre' nè, ti'nuò mε' nè nnò ya gber nε. Tigber bugben là te haali tibont ke ya cincinyo nε, ki yé limiel ya

gber. ² Mifuobm nnɔ ya daan taa' u'ba ki wuɔn' tɛ, ti laa' wɔ nɛ ki kundeh imɔn, ki tɔkeh nɛ *limiel là ɲa ɲmɔbe gbenm ya gber. Wà yé limiel ya daan nnɔ là te nin Baa Uwien nɛ, ki taa' u'ba ki wuɔn' tɛ. ³ Ti cii' nà, ki laa' nɛ nnɔ, ti tɔkeh ni'mɔ ni ya gber nɛ, ɲɔ tinbi nin ninbi rí li te uñɔkpaan ni. Ti ñɔkpaan nnɔ yé uñɔkpaan wà tinbi nin ti'Baa Uwien nin u'Bije *Yesu Kristo ɲmɔbe wù nnɔ nɛ. ⁴ Ti yíe tí li ɲmɔbe uyensɔnge kí ti gben nɛ. Nɛn bo nɛ ti kele' tigber tuu nɔ ki de' nɛ.

Nɛ mɛn licinñunl ni kí kɔ kuwenwenku ni

⁵ Ti cii' tigber tà *Yesu saan nnɔ, ti tɔkeh nɛ tun sɔ: Uwien yé kuwenwenku nɛ, cinñunl ɲa te u'ni. ⁶ Ti lienh ki teh tinbi nin Uwien ɲmɔbe uñɔkpaan, ki liɛbe' ki te licinñunl ni la, ti yé bitonnɛndɛnb nɛ, ta ɲmɔbe gbɛmɔnt. ⁷ Ama ti te kuwenwenku ni tɛn Uwien te kuwenwenku ni ma la, ti ɲmɔbe uñɔkpaan nin tɔb nɛ. Nɛ u'Bije *Yesu ya sɛm sɔkreh ti'biere kɛ.

⁸ Ti len' ki ye ta ɲmɔbe biere la, ti tulndeh ti'ba nɛ, gbɛmɔnt ɲa te ti'fɛl ni. ⁹ Ti kpiire' ti'biere ki tɔke' Uwien la, u li fère tɛ, kí sɔkre ti'fɛl kí ñɛn nà kɛ bre, kimɛ u cuube nɛ ki yé ugbɛmɔndaan. ¹⁰ Ti len' ki ye ta teh biere la, ti yin' Uwien utonnɛndaan nɛ, nɛ u'gber ɲa te ti'fɛl ni.

2

Kristo nɛ yé ucɛndɛnduol

¹ N'bumu, ma yíe ní li teh biere. Nɛn bo nɛ n kele' tigber tuu ki de' nɛ. Ama unil tien' ibiere mɔnɔn la, ti ɲmɔbe *ucɛndɛnduol uba ti'Baa Uwien saan. Wɔn si: *Yesu Kristo ugbɛmɔndaan. ² U taa' u'ba ki tien' lituɔrl ki de' Uwien ɲɔ Uwien rí fère tɛ ti'biere

nε. Na yé ti'yi baba, u li fère uηendun ya nib κε mα yi nε.

³ Ti tuo' Uwien ye nà la, nen nε wαngeh tε ki teh ti mαnbe ki βen Uwien. ⁴ Wà κε ye u βen Uwien, ka tuo' u ye nà la, u yé utonnendaan nε, nε gbemànt ηa te u'fèl ni. ⁵ Ama wà κε boh Uwien ya gber la, wαn nε cinbe ki yíe Uwien ki tì gben'. Nnα nε ti mαnbe ki βen ki ye tinbi nin Uwien tε. ⁶ Wà κε ye wαn nin Uwien tε la, wα ní li fuobe tεn *Yesu Kristo là fuobe ma bo.

Li yíe mεn tαb
(San 13:34-35)

⁷ N'jotieβε, na yé wαbfènl nε n kieh ki dienh nε, ama nì yé liwαbkpaal nε. Ni là cin' ki paan' *Yesu Kristo ya sεn bo ma nnα, nε ki cii' lè. Liwαbkpaal bugβen yé tigβer tà ni là cii' tù nnα nε. ⁸ Nin nen κε ηα, n kele' liwαbl là ki de' nε nnα yé lifènl nε. Ninbi nin *Yesu Kristo ya tetem nε wαngeh ki teh liwαbl nnα mαn. Kimε licinñunl benh ki gbendeh nε, nε kuwenwenmαnku cin' ki wendeh.

⁹ Wà κε ye u te kuwenwenku ni, ki nen u'tα la, u biε ki te licinñunl ni nε. ¹⁰ Wà κε yíe u'tα la, u te kuwenwenku ni nε. Bonn ηa te u'fèl bo kí fre kí cère wα ní tien nà bre. ¹¹ Ama wà κε nen u'tα la, u te licinñunl ni nε, ki cuonh ka βen u joh nà bó. Kimε licinñunl nnα juαn' wα ηα.

Ni'nun la li mαn uηendun nin u'bont bo

¹² N'bumu, n kieh tigβer tuu ní de nε, kimε Uwien fère' nε ni'biere *Yesu Kristo ya yel bo ηα.

¹³ N'baambe, n kieh tigβer tuu ní de nε, kimε ni βen wà te haali tibont κε ya cincinyo. Bifènbε, n kieh tigβer tuu ní de nε,

kimε ni faake' nin usenpol ubierɔ ɳɔ.

¹⁴ N'bumu, n kele' tigber tuu ki de' nε,

kimε ni ben Baa Uwien.

N'baambe, n kele' tigber tuu ki de' nε,

kimε ni ben wà te haali tibont κε ya cincinyo.

Bifɛnbε, n kele' tigber tuu ki de' nε,

kimε ni ɳmɔbe mituɔm,

Uwien ya gber te ni'fɛl ni,

nε ni faake' nin usenpol ubierɔ.

¹⁵ La yie men unɛndun wuu, ki niireh nin tibont tà te u'ni.

Wà κε yie unɛndun wuu la,

wa ɳmɔbe Baa Uwien ya yiem.

¹⁶ Kimε iyenmaalbiere yà te unisaal ya fɛl bo nnɔ

nin u ɳmɔbe ununfɔke wà u lenh tibont tà bo nnɔ

nin u ɳmɔbe tigbengt tà u'faal bo nnɔ

ɳa ñen' Baa Uwien saan,

tu'ke ñen' unɛndun wuu ni nε,

ki yé unɛndun jaar.

¹⁷ *Unɛndun wuu nin tibont tà binib ya nun fɔke tu'bo nnɔ κε li gben, ama wà κε teh Uwien yie nà la, udaan li tuu ki te nε.

Nà li tore nε ni bende Kristo ya nennend

¹⁸ N'bumu, nɳ sien' waamu nε ugbengbenyo ní baa. Ni là cii' bi ye Kristo ya nennend li baa ní.

Fɛnfennɔ wuɔ Kristo ya nennendb baa' ki yebe. Nɛn

bo nε ti bende' ki ye nɳ sien' waamu nε ugbeng-

benyo ní baa. ¹⁹ Bi là te ti'cɛkl ni, nε ki siere' ti'saan.

Ba lɳ là yé ti'yaab. Bi bi là yé ti'yaab la, bi bi bie ki

te ti'ni nε. Bi siere' ti'saan ma nnɔ, nɛn nε wuɔn' tɛ

nɳ wien ki ye bi'ke ɳa lɳ mɔnbe ki yé ti'yaab.

20 Ninbi ben wɔn, Kristo de' ne *Mifuoñaanm ɲɔ. Nen bo ne ni'ke ben nà yé tigberm̀nt. 21 Na yé na ben gbem̀nt ne c̀ere' n kele' tigber tuu ki de' ne. Ni ben tigberm̀nt ma nnɔ ne c̀ere' n kele' t̀ ki de' ne. Ni ben ki ye tonnenku ɲa te gbem̀nt ni.

22 Nme yé utonnendaan-i? Na yé wà niɛh ki teh *Yesu ɲa yé Uwien ya Nigendke Kristo-oo? U ya daan ne yé *Kristo ya nennend, ki niɛh ki teh wa ben Baa Uwien nin u'Bije. 23 Wà ke niɛ' ki ye wa ben Uwien ya Bije la, u niɛ' ki ye wa ben Baa Uwien mɔ ne. Wà ke ye u ben Uwien ya Bije la, wɔn nin Baa Uwien kpe buñɔbu ne.

24 Ninbi wɔn, c̀ere men ni là cii' tigber tà haali micincinm nnɔ ní li te ni'f̀el ni. Tigber tà ni là cii' t̀ micincinm nnɔ te ni'f̀el ni la, ni te nin Baa Uwien nin u'Bije ne. 25 U p̀on' ki ye u li de te nibonn nà nnɔ, nen si: *limiel là ɲa ɲmɔbe gbenm ne.

26 N kele' tigber tuu ki de' ne ní t̀ke ne binib bà nuunh be ní tuln ne nnɔ bó ne. 27 Ninbi ben wɔn, Kristo de' ne *u'Fuoñaanm ne m̀ tuu ki te ni'bo, ne na ji nuunh nil ní wɔkn ne u'gber. *U'Fuoñaanm nnɔ ne wɔknh ne ni'ke. M̀ wɔknh ne nà nnɔ yé tigberm̀nt ne, ma nendeh. Li te men nin Kristo, *u'Fuoñaanm wɔkn' ne ma bo.

28 N'bumu, li te men nin Kristo fenfenno ɲɔ lidaali là u li baa ní, kí ñen u'ba upaan bo binib ke ní le wɔ nnɔ tí li ɲmɔbe midum ɲɔ f̀e la cuo te u'nun bó.

Uwien ya bumu ɲa ji li teh biere

29 Ni ben ki ye Kristo yé ugbem̀ndaan ma nnɔ, bende men kí ye unil wà ke teh nà cuube la, u yé Uwien ya buk ne.

3

¹ Liike mɛn Baa Uwien yíe tɛ nǐ tǐ kpɛ ma. U yíe tɛ ki gbien' haali ki tǐ yin' tɛ u'bumu. Ti mɔnbe ki yé u'bumu nɛ. *Uɲɛndun ya nib ɲa bɛn tɛ, kimɛ ba bɛn Uwien yé udaan wà. ² N'jɔtieɛ, fɛnfennɔ wuɔ ti yé Uwien ya bumu nɛ. Ama ta laan bɛn ti lá li te ma bo. Ti nín bɛn ki ye Kristo lá li ñɛn u'ba upaan bo uyo wà nnɔ, ti li naan wɔn nɛ, kimɛ ti li lɛ wɔ, u te tɛn u lí te ma bo nɛ. ³ Wà kɛ ɲmɔbe Kristo bo li ya dɛndɛnl la, wa ji ɲmɔbe jɔknt tɛn Kristo ɲa ɲmɔbe jɔknt ma.

⁴ Wà kɛ teh ibiere la, u wiɛ' yiko nɛ, kimɛ yiko ya wiɛm yé ibiere nɛ. ⁵ Ni bɛn ki ye Kristo baa' uɲɛndun wuu ni wɔ n gben ibiere nɛ. Nɛ biere iba mɔnɔn ɲa te u'ni. ⁶ Wà kɛ tɛ nin wɔ la, wa ji teh biere. Wà kɛ teh ibiere la, wa laa' wɔ, ka bɛn wɔ mɔ.

⁷ N'bumu, la cère mɛn uba n tɔln nɛ. Wà kɛ teh nà cuube la, u yé ugbɛmɔndaan tɛn Kristo yé ugbɛmɔndaan ma nɛ. ⁸ Wà kɛ teh ibiere yé usɛnpol yɔ nɛ, kimɛ usɛnpol yé ubierdaan nɛ haali tibont kɛ ya cincinyo. Nɛn bo nɛ Uwien ya Bijɛ baa' uɲɛndun wuu ni wɔ n gben usɛnpol ya tòn.

⁹ Wà kɛ yé Uwien ya buk ɲa ji li teh biere, kimɛ Uwien ya tetem te u'ni. U yé Uwien ya buk ma nnɔ, wa n fre kí tien biere. ¹⁰ Wà kɛ teh nà ɲa cuube, ka yíe u'tɔ la, wa yé Wien ya buk. Nɛn nɛ cèreh bi bɛndeh bà yé Uwien ya bumu nin bà yé usɛnpol yaamu.

Li yíe mɛn tɔb

¹¹ Ni là cii' tigbɛr tà haali micincinm nnɔ tun si: «Tí li yíe tɔb nɛ.» ¹² La cère mɛn tí li te tɛn Kayɛn. U là yé usɛnpol ubierɔ yɔ nɛ, ki ku' u'ninje. Bɛ bo nɛ

u ku' wə? U là ku' wə, kimε u ya tòn là bre nε, nε u'ninjε yε cuube.

¹³ N'yaabε, *uηendun ya nib nen nε la, la cère mεn nè ní cuo nε yəkm. ¹⁴ Tinbi yíe tí'təb Kristo yaab ma nnə nε cère' ti bende' ki ye ti ñen' mikuum ni ki kən' mifuobm ni. Wà kε ηa yíe u'tə la, u biε ki te mikuum ni nε. ¹⁵ Wà kε nen u'tə la, u yé unikul nε. Nε ni ben ki ye limiel là ηa ηməbe gbenm ηa te nikul ni. ¹⁶ Nà sə cère' ti bende' miyíem ya tingi: Kristo teke' tinbi ya kuum nε ki kpo'. Ní mən tí'mə ní teke tí'təb ya kuum nε kí kpo. ¹⁷ Unil ηməbe lifaal uηendun wuu ni, ki laa' ní pəre' u'tə, nε wa tuo' wə ní ηukre kí tore wə la, u ηməbe Uwien ya yíem mila bo? ¹⁸ N'bumu, la cère mεn tí li yíe təb buñəbu ni, cère mεn tí li sənħ itòn yà wəngēh ki teh ti mənbe ki yíe təb.

¹⁹⁻²⁰ Nεn nε li cère tí bende kí ye ti pε tigbεmənt bo. Ní yé tí'yεnmaale mənən nε biindeh tε la, tí'yεnm də Uwien saan nε, kimε Uwien cən' tí'yεnmaale, ki ben tibont kε. ²¹ N'jətiebε, tí'yεnmaale ηa biindeh tε la, ti ηməbe midum Uwien saan. ²² Nε ti miε' wə nà kε la, u dienh tε nè nε, kimε ti boh u'wəbl nε ki səngreh u'yεnm. ²³ U de' tε liwəbl là nnə si: tí teke u'Bijε *Yesu Kristo kí ji, kí li yíe təb, tən wən *Yesu Kristo təkε' tε ma bo. ²⁴ Wà kε boh Uwien ya wəbl la, u tε nin Uwien, nε Uwien mə tε nin wə. U de' tε Mifuoñaanm ma nnə nε cère' ti ben ki ye u tε nin tε.

4

Ni li tien ma kí bende Mifuoñaanm te bà bo

¹ N'jɔtieɛ, la li teknh mɛn binib bà kɛ lienh ki teh bi ηmɔbe *Mifuoñaanm nnɔ ki jinh, ama ní sekn kí bɛnde kí ye *Mifuoñaanm nɛ cèrɛ' bi lienh kí yaan kí teke bɛ kí ji. Kimɛ bitonnɛnñɔbonsɔknɔ ji gbe nɛ uηɛndun ni. ² Nà sɔ li cèrɛ ní bɛnde binib bà ηmɔbe *Uwien ya Fuoñaanm: wà kɛ lienh ki teh *Yesu Kristo mɔnbe ki baa' uηɛndun wuu ni nin tinisaalgbenɛnt la, wɔn nɛ yé Uwien yɔ. ³ Wà kɛ lienh ki teh Kristo ηa baa' nin nisaalgbenɛnt la, wa yé Wien yɔ, u yé Kristo ya nɛnnɛnd yɔ nɛ. Ni cii' bi ye Kristo ya nɛnnɛnd li baa ní. Fɛnfɛnnɔ wuɔ u baa' uηɛndun ni ηɔ.

⁴ Ninbi n'bumu, ni yé Uwien yaab nɛ, nɛ ki faake' nin *bitonnɛnñɔbonsɔknɔ nnɔ, kimɛ *Uwien ya Fuoñaanm mà te ní'ni nnɔ faa ki cɛn' Kristo ya nɛnnɛnd wà te uηɛndun ni nnɔ. ⁵ Bɛn yé uηɛndun yaab nɛ. Nɛn bo nɛ bi lienh uηɛndun ya lenm, nɛ uηɛndun ya nib cengeh bi'ból. ⁶ Tinbi bɛn wɔn, ti yé Uwien yaab nɛ. Wà kɛ bɛn Uwien nɛ cengeh ti'ból. Wà kɛ ηa yé Wien yɔ ηa cengeh ti'ból. Nɛn nɛ cèrɛ' ti bɛnde' *Mifuoñaanm, mɛn mà yé tigbɛmɔnt nnɔ te binib bà ni, ki cèrɛ' ti bɛnde' usɛnpol utonnɛndaan mɔ te binib bà ni.

Miyiem ñɛh Uwien saan nɛ

⁷ N'jɔtieɛ, cèrɛ mɛn tí li yíe tɔb, kimɛ miyiem ñɛn' Uwien saan nɛ. Wà kɛ ηmɔbe miyiem la, u yé Uwien ya buk nɛ, ki bɛn Uwien. ⁸ Wà ηa ηmɔbe yíem la, wa bɛn Wien, kimɛ Uwien yé miyiem ya daan nɛ. ⁹ Uwien wuɔn' tɛ u'yíem ma bo sɔ: u sɔn' ní u'Bijɛbaab uηɛndun wuu ni ηɔ wɔn bo tí li fuobe nɛ. ¹⁰ Miyiem nnɔ si nà sɔ: na yé tinbi nɛ yíe Uwien, Uwien nɛ yíe tɛ, ki sɔn' ní u'Bijɛ uηɛndun ni, wɔ ní lá

taa u'ba kí tien lituərɪ kí de Uwien ɲə wə́ ń fèrè tɛ ti'biere.

¹¹ N'jətiebɛ, Uwien yíe tɛ nnə ma nnə, ńi kpɛ ti'mə ń li yíe təb nɛ. ¹² Uba ɲa kpele ki laa' Wien. Ti yíe təb la, Uwien tɛ nin tɛ nɛ, nɛ u'yíem te ti'ni ki tĩ gben'.

¹³ Nà cèrè' ti bɛn ki ye ti tɛ nin Uwien nɛ Uwien mə tɛ nin tɛ nnə si: u de' tɛ *u'Fuoñaanm. ¹⁴ Tinbi laa' Uwien ya Bijɛ, nɛ ki kundeh imə̀n ki teh u'Baa nɛ sən' wə́ ńi uɲɛndun wuu ni, wə́ ń lál li yé uɲɛndun ya nib ya Nɲmienl. ¹⁵ Wà kɛ lienh ki teh *Yesu yé Uwien ya Bijɛ la, Uwien tɛ nin udaan nɛ, nɛ u'mə tɛ nin Uwien. ¹⁶ Tinbi bɛn Uwien yíe tɛ ma bo, nɛ ki teke' ki jin'.

Uwien yé miyíem ya daan nɛ. Wà kɛ ɲməbe miyíem la, u tɛ nin Uwien nɛ, nɛ Uwien mə tɛ nin wə́. ¹⁷ Nà cèrè' miyíem te ti'ni ki tĩ gben' ɲə tí li ɲməbe midum Uwien li bu binib tibuur lidaali là nnə si: Kristo te ma bo nnə, ti'mə te nnə nɛ uɲɛndun wuu ni. ¹⁸ Jɛwaanbu ɲa te yíem ni. Miyíem mà mən ki tĩ gben' gbendeh bujɛwaanbu nɛ. Utudɛrɛ bo nɛ binib fɛnge. Unil wà fɛnge ɲa laan ɲməbe yíem mà mən ki tĩ gben'.

¹⁹ Tinbi yíe Uwien, kimɛ wə́n nɛ kpíe' ki yíe' tɛ. ²⁰ Unil lienh ki teh u yíe Uwien, ka yíe u'tə la, u yé utonnɛndaan nɛ. Kimɛ nil ɲa yíe u'tə wà u lɛnh wə́ la, wa ń fre kí ye u yíe Uwien wà wa lɛnh wə́. ²¹ *Yesu Kristo de' tɛ liwə́bl là sɔ: unil yíe Uwien la, wə́ ń li yíe u'tə mə.

5

Teke mɛn Uwien ya bijɛ kí ji, kí faake nin uɲɛndun

¹ Wà kɛ teke' ki jin' ki ye *Yesu yé Uwien ya Nigɛndkɛ Kristo la, udaan yé Uwien ya buk nɛ. Wà

ke yíe kibuk ya baa la, u yíe u'buk mɔ ne. ² Ti yíe Uwien ki boh u'wɔb la, nen ne wɔngɛh ki teh ti yíe u'bumu. ³ Kimɛ Uwien ya yíem si: tí li boh u'wɔb ne. Ne u'wɔb nnɔ ɲa faa. ⁴ Wà ke yé Uwien ya buk ne faakreh nin uɲɛndun. Ti'tekjim ne cèreh ti faakreh nin uɲɛndun. ⁵ Ɲmɛ yé unil wà faakreh nin uɲɛndun-i? Wɔn si: wà teke' ki jin' ki ye *Yesu yé Uwien ya Bijɛ.

Yesu Kristo ya m̀nkunb

⁶ Wɔn *Yesu Kristo ne baa' ní nin miñunm nin misèm*. Na yé u baa' nin miñunm baba ne, u baa' nin miñunm nin misèm ne. *Mifuoñaanm kundeh im̀n, kimɛ m̃ yé im̀n ne. ⁷ Bi te bim̀nkunb bita ne. ⁸ Bɛn si: Mifuoñaanm nin miñunm nin misèm. Bɛn bita nnɔ ke kpe buñɔbu ne. ⁹ Ti teknh binib ya m̀nkun la, tí li bɛn kí ye Uwien ya m̀nkun cɛn' binib yu. Uwien ya m̀nkun nnɔ si: u kun' im̀n ki ye *Yesu m̀nbe ki yé u'Bijɛ ne. ¹⁰ Wà teke' Uwien ya Bijɛ ki jin' la, u tuo' Uwien kun' im̀n yà nnɔ ne. Ama wà ɲa teke' Uwien ki jin' la, u yih wɔ utonnɛndaan ne, kimɛ wa teke' Uwien kun' u'Bijɛ bo im̀n yà nnɔ ne ki jin'. ¹¹ Uwien ya m̀nkun nnɔ si: u de' tɛ limiɛl là ɲa ɲm̀obe gbenm, ne u'Bijɛ ne yé limiɛl nnɔ ya daan. ¹² Wà tɛ nin Uwien ya Bijɛ ne ɲm̀obe limiɛl nnɔ. Wà ɲa tɛ nin Uwien ya Bijɛ ɲa ɲm̀obe lè.

Tigbɛfərkaar

¹³ N kele' tigbɛr tuu ke ki de' ne ɲɔ ní bɛnde kí ye ninbi bà teke' Uwien ya Bijɛ ki jin' nnɔ, ni ɲm̀obe limiɛl là ɲa ɲm̀obe gbenm ne. ¹⁴ Ti ɲm̀obe midum

* **5:6** Yesu Kristo ne baa' ní nin miñunm nin misèm ya tingi si: Bi s̃i' wɔ Uwien ya ñunm nin u'kuum ne.

mà Uwien saan si: ti miε' wɔ nà kε u'yíem bo la, u cengeh ti'bó nε. ¹⁵ Ti ben u cengeh ti'bó ma nnɔ, ti miε' wɔ nà kε la, ti du ki ye ti laa' nè ηɔ.

¹⁶ Unil laa' u'tɔ teh ibiere yà ηa kuuleh la, wɔ n̄ kàare kí de wɔ ηɔ Uwien n̄ tùare u'fuobm, n̄ yé ibiere nnɔ ηa m̄nbe ki kuuleh nε la. Kimε ibiere iba te ki kuuleh, ma niireh bε n̄ kàare kí de binib bà teh i ya biere. ¹⁷ Itùon yà kε ηa cuube yé ibiere nε. Ama nà yé ibiere kε nε kuuleh.

¹⁸ Ti ben ki ye wà kε yé Uwien ya buk ηa ji teh biere, kimε Uwien ya Bijε gu wɔ, nε usenpol ubierɔ ηa n̄ fre kí tien wɔ niba. ¹⁹ Ti ben ki ye tinbi yé Uwien ya bumu nε, ki ben mɔ ki ye uηendun ya nib kε te usenpol ubierɔ ya wɔbl ni nε. ²⁰ Ti ben ki ye Uwien ya Bijε baa' ki wuɔn' tε ti li tien ma kí bende Uwenm̄n nε. Ti tε nin Uwenm̄n nε, kí n̄ε u'Bijε *Yesu Kristo bo. Wɔn nε yé Uwenm̄n, ki yé limiel là ηa ηm̄be gbenm ya daan.

²¹ N'bumu, liike m̄n ni'yul bo nin ibule ya gber.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
f30fbe0b-cda1-5a60-a4ee-8be80c6caef6